

नमो नमो निम्मलदंसणस्स
पूज्य आनंद-क्षमा-ललित-सुशील-सुधर्मसागर गुरुभ्यो नमः

On Line – आगममंजूषा

[३५] बुहत्कप्पो

* संकलन एवं प्रस्तुतकर्ता *
मुनि दीपरत्नसागर [M.Com., M.Ed., Ph.D.]

॥ किञ्चित् प्रास्ताविकम् ॥

ये आगम-मंजूषा का संपादन आजसे ७० वर्ष पूर्व अर्थात् वीर संवत् २४६८, विक्रम संवत्-१९९८, ई.स.1942 के दौरान हुआ था, जिनका संपादन पूज्य आगमोद्धारक आचार्यश्री [आनंदसागरसूरिजी](#) म.सा.ने किया था। आज तक उन्ही के प्रस्थापित-मार्ग की रोशनी में सब अपनी-अपनी दिशाएँ ढूँढते आगे बढ़ रहे हैं।

हम ७० साल के बाद आज ई.स.-2012, विक्रम संवत्-२०६८, वीर संवत्-२५३८ में वो ही आगम-मंजूषा को कुछ उपयोगी परिवर्तनों के साथ इंटरनेट के माध्यम से सर्वथा सर्वप्रथम “**OnLine-आगममंजूषा**” नाम से प्रस्तुत कर रहे हैं।

*** मूल आगम-मंजूषा के संपादन की किञ्चित् भिन्नता का स्वीकार ***

- [१] आवश्यक सूत्र-(आगम-४०) में केवल मूल सूत्र नहीं है, मूल सूत्रों के साथ निर्युक्ति भी सामिल की गई है।
[२] जीतकल्प सूत्र-(आगम-३८) में भी केवल मूल सूत्र नहीं है, मूलसूत्रों के साथ भाष्य भी सामिल किया है।
[३] जीतकल्प सूत्र-(आगम-३८) का वैकल्पिक सूत्र जो “पंचकल्प” है, उनके भाष्य को यहाँ सामिल किया गया है।

[४] “ओघनिर्युक्ति”-(आगम-४१) के वैकल्पिक आगम “पिंडनिर्युक्ति” को यहाँ समाविष्ट तो किया है, लेकिन उनका मुद्रण-स्थान बदल गया है।


[५] “कल्प(बारसा)सूत्र” को भी मूल आगममंजूषा में सामिल किया गया है।

-मुनि दीपरत्नसागर

: Address:-

Mnui Deepratnasagar,
MangalDeep society, Opp.DholeswarMandir,
POST:- THANGADH Dist.surendranagar.
Mobile:-9825967397 jainmunideepratnasagar@gmail.com

मुनि दीपरत्नसागर



पीठिकाभाष्यगाथाः '८०८' नो कप्पइ निग्गन्थाण वा निग्गन्थीण वा आमे तालपलम्बे अभिन्ने पडिग्गाहेत्तए '१००२' । १ । कप्पइ निग्गन्थाण वा निग्गन्थीण वा आमे तालपलम्बे भिन्ने पडिग्गाहेत्तए '१०३६' । २ । कप्पइ निग्गन्थाणं पक्के तालपलम्बे भिन्ने वा अभिन्ने वा पडिग्गाहेत्तए । ३ । नो कप्पइ निग्गन्थीणं पक्के तालपलम्बे अभिन्ने पडिग्गाहेत्तए । ४ । कप्पइ निग्गन्थीणं पक्के तालपलम्बे भिन्ने पडिग्गाहेत्तए, सेऽवि य विहिभिन्ने, नो चेव णं अविहिभिन्ने (पलम्बपगरणं '१०८९') । ५ । से गामंसि वा नगरंसि वा खेडंसि वा कब्बडंसि वा पट्टणंसि वा मडम्बंसि वा आगरंसि वा दोणमुहंसि वा निगमंसि वा रायहाणिसि वा आसमंसि वा संनिवेसंसि वा संवाहंसि वा घोसंसि वा अंसियंसि वा पुडभेयणंसि वा सपरिक्खेवंसि अबाहिरियंसि कप्पइ निग्गन्थाणं हेमन्तगिम्हासु एगं मासं वत्थए । ६ । से गामंसि वा जाव रायहाणिसि वा सपरिक्खेवंसि सबाहिरियंसि कप्पइ निग्गन्थाणं हेमन्तगिम्हासु दो मासे वत्थए, अन्तो एगं मासं बाहिं एगं मासं, अन्तो वसमाणणं अन्तो भिक्खायरिया बाहिं वसमाणणं बाहिं भिक्खायरिया । ७ । से गामंसि वा जाव रायहाणिसि वा सपरिक्खेवंसि अबाहिरियंसि कप्पइ निग्गन्थीणं हेमन्तगिम्हासु दो मासे वत्थए । ८ । से गामंसि वा जाव रायहाणिसि वा सपरिक्खेवंसि सबाहिरियंसि कप्पइ निग्गन्थीणं हेमन्तगिम्हासु चत्तारि मासे वत्थए, अंतो दो मासे बाहिं दो मासे, अंतो वसमाणीणं अंतो भिक्खायरिया बाहिं वसमाणीणं बाहिं भिक्खायरिया, '२१-३०' । ९ । से गामंसि वा जाव रायहाणिसि वा एगवगडाए एगदुवाराए एगनिक्खमणपवेसाए नो कप्पइ निग्गन्थाण य निग्गन्थीण य एगयओ वत्थए । १० । से गामंसि वा जाव रायहाणिसि वा अभिनिव्वगडाए अभिनिदुवाराए अभि(णेग)निक्खमणपवेसाए कप्पइ निग्गन्थाण य निग्गन्थीण य एगयओ वत्थए '२३००' । ११ । नो कप्पइ निग्गन्थीणं आवण-

गिहंसि वा रत्थामुहंसि वा सिङ्घाडगंसि वा तिर्यंसि वा चउकंसि वा चच्चरंसि वा अंतरावणंसि वा वत्थए । १२। कप्पइ निग्गंथाणं आवणगिहंसि वा जाव अंतरावणंसि वा वत्थए '२३३०' । १३। नो कप्पइ निग्गंथीणं अवङ्गुयदुवारिए उवस्सए वत्थए, एगं पत्थारं अंतो किच्चा एगं पत्थारं बाहिं किच्चा ओहाडियचिलिमिलियागंसि एवण्हं कप्पइ वत्थए '२३५७' । १४। कप्पइ निग्गंथाणं अवङ्गुयदुवारिए उवस्सए वत्थए '२३६६' । १५। कप्पइ निग्गंथीणं अंतोलित्तयं घडिमत्तयं धारेत्तए वा परिहरित्तए वा '२३६९' । १६। नो कप्पइ निग्गंथाणं अंतोलित्तयं घडिमत्तयं धारेत्तए वा परिहरित्तए वा '२३७५' । १७। कप्पइ निग्गंथाण वा निग्गंथीण वा चेलचिलिमिलियं धारेत्तए वा परिहरित्तए वा '२३८७' । १८। नो कप्पइ निग्गंथाण वा निग्गंथीण वा दगतीरंसि चिट्ठित्तए वा निसीइत्तए वा तुयट्ठित्तए वा निदाइत्तए वा पयलाइत्तए वा असणं वा० आहारमाहारेत्तए वा उच्चारं वा पासवणं वा खेलं वा सिंघाणं वा परिट्ठवेत्तए, सज्झायं वा करेत्तए, धम्मजागरियं वा जागरित्तए, झाणं वा झाइत्तए, काउस्सगं वा करित्तए, ठाणं वा ठाइत्तए '२४३०' । १९। नो कप्पइ निग्गंथाण वा निग्गंथीण वा सचित्तकम्मे उवस्सए वत्थए । २०। कप्पइ निग्गंथाण वा निग्गंथीण वा अचित्तकम्मे उवस्सए वत्थए '२४३८' । २१। नो कप्पइ निग्गंथीणं सागारियं अनिस्साए वत्थए । २२। कप्पइ निग्गंथीणं सागारियनिस्साए वत्थए '२४५०' । २३। कप्पइ निग्गंथाणं सागारियनिस्साए वा अनिस्साए वा वत्थए '२४५३' । २४। नो कप्पइ निग्गंथाण वा निग्गंथीण वा सागारिए उवस्सए वत्थए, कप्पइ निग्गंथाण वा निग्गंथीण वा अप्पसागारिए उवस्सए वत्थए '२५५५' । २५। नो कप्पइ निग्गंथाणं इत्थिसागारिए उवस्सए वत्थए । २६। कप्पइ निग्गंथाणं पुरिससागारिए उवस्सए वत्थए । २७। नो कप्पइ निग्गंथीणं पुरिससागारिए उवस्सए वत्थए । २८। कप्पइ निग्गंथीणं इत्थिसागारिए उवस्सए वत्थए '२५८७' । २९। नो कप्पइ निग्गंथाणं पडिबद्धाए सेज्जाए वत्थए । ३०। कप्पइ निग्गंथीणं पडिबद्धाए सेज्जाए वत्थए '२६३३' । ३१। नो कप्पइ निग्गंथाणं गाहावइकुलस्स मज्झंमज्झेणं गंतुं वत्थए । ३२। कप्पइ निग्गंथीणं गाहावइकुलस्स मज्झंमज्झेणं गंतुं वत्थए '२६८०' । ३३। भिक्खु य अहिगरणं कट्टु तं अहिगरणं अविओसवेत्ता अविओसवियपाहुडे इच्छाए परो आढा-एजा इच्छाए परो णो आढाएजा इच्छाए परो अब्भुट्टेजा इच्छाए परो नो अब्भुट्टेजा इच्छाए परो वंदेजा इच्छाए परो नो वंदेजा इच्छाए परो संभुञ्जेजा इच्छाए परो नो संभुञ्जेजा इच्छाए परो संवसेजा इच्छाए परो नो संवसेजा इच्छाए परो उवसमेजा इच्छाए परो नो उवसमेजा, जो उवसमइ तस्स अत्थि आराहणा जो न उवसमइ तस्स नत्थि आराहणा, तम्हा अप्पणा चैव उवसमियव्वं, से किमाहु भंते?, उवसमसारं खु सामणं '२७३८' । ३४। नो कप्पइ निग्गंथाण वा निग्गंथीण वा वासावासासु चारए । ३५। कप्पइ निग्गंथाण वा निग्गंथीण वा हेमंतगिम्हासु चारए '२७६३' । ३६। नो कप्पइ निग्गंथाण वा निग्गंथीण वा वेरज्जविरुद्धरजंसि सज्जं गमणं सज्जं आगमणं सज्जं गमणागमणं करेत्तए, जे खलु निग्गंथे वा निग्गंथी वा वेरज्जविरुद्धरजंसि सज्जं गमणं सज्जं आगमणं सज्जं गमणागमणं करेइ करेतं वा साइज्जइ से दुहओ वीइकममाणे आवज्जइ चाउम्मासियं परिहारट्ठाणं अणु-ग्घाइयं '२७९५' । ३७। निग्गंथं च णं गाहावइकुलं पिंडवायपडियाए अणुप्पविट्ठं केइ वत्थेण वा पडिग्गहेण वा कम्बलेण वा पायपुंछणेण वा उवनिमंतेजा कप्पइ से सागारकडं गहाय आयरियपायमूले ठवेत्ता दोच्चंपि उग्गहं अणुप्पवेत्ता परिहारं परिहरित्तए '२८१८' । ३८। निग्गंथं च णं बहिया वियारभूमिं वा विहारभूमिं वा निक्खवंतं समाणं केइ वत्थेण वा पडिग्गहेण वा कम्बलेण वा पायपुंछणेण वा उवनिमंतेजा कप्पइ से सागारकडं '२८१९' । ३९। निग्गंथिं च णं गाहावइकुलं पिंडवायपडियाए अणुप्पविट्ठं तं चैव णवरं पवत्तिणी-पायमूले ठवेत्ता० । ४०। निग्गंथिं च णं बहिया विहारभूमिं वा वियारभूमिं वा जाव परिहारं परिहरित्तए '२८४०' । ४१। नो कप्पइ निग्गंथाण वा निग्गंथीण वा राओ वा वियाले वा असणं वा० पडिग्गाहेत्तए । ४२। नन्नत्थ एगेणं पुव्वपडिलेहिएणं सेज्जासंथारणं '२८७३' । ४३। नो कप्पइ निग्गंथाण वा निग्गंथीण वा राओ वा वियाले वा वत्थं वा पडिग्गाहं वा कम्बलं वा पायपुंछणं वा पडिग्गाहेत्तए '३००५' । ४४। नन्नत्थ एगाए हरियाहडियाए, सावि य परिभुत्ता वा धोया वा रत्ता वा घट्टा वा मट्टा वा संपधूमिया वा '३०४२' । ४५। नो कप्पइ निग्गन्थाण वा निग्गन्थीण वा राओ वा वियाले वा अद्धानगमणं एत्तए '३१४२' । ४६। संखडिं वा संखडिपडियाए अद्धानगमणं एत्तए '३२१०' । ४७। नो कप्पइ निग्गन्थस्स एगाणियस्स राओ वा वियाले वा बहिया विहारभूमिं वा वियारभूमिं वा निक्खमित्तए वा पविसित्तए वा, कप्पइ से अप्पविइयस्स वा अप्पतइयस्स वा राओ वा वियाले वा बहिया विहारभूमिं वा वियारभूमिं वा निक्खमित्तए वा पविसित्तए वा '३२२५' । ४८। नो कप्पइ निग्गन्थीए एगाणियाए राओ वा वियाले वा बहिया वियारभूमिं वा विहारभूमिं वा निक्खमित्तए वा पविसित्तए वा, कप्पइ से अप्पतइयाए वा अप्पचउत्थीए वा राओ वा वियाले वा बहिया वियारभूमिं वा विहारभूमिं वा निक्खमित्तए वा पविसित्तए वा '३२४३' । ४९। पुरत्थिमेणं कप्पइ निग्गन्थाण वा निग्गन्थीण वा जाव अङ्गमगहाओ एत्तए दक्खिणेणं० जाव कोसम्बीओ एत्तए पच्चत्थिमेणं० जाव थुणाविसयाओ एत्तए उत्तरेणं जाव

कुणालाविसयाओ एत्तए, एयावयाव कप्पइ, एयावयाव आरिए खेत्ते, नो से कप्पइ एत्तो बाहिं, तेण परं जत्थ नाणदंसणचरित्ताइं उस्सप्पन्तित्तिवेमि '३२९३'।५० ॥ पढमो उदे-
सओ १ ॥ उवस्सयस्स अन्तो वगडाए सालीणि वा वीहीणि वा मुग्गाणि वा मासाणि वा तिल्लाणि वा कुलत्थाणि वा गोधूमाणि वा जवाणि वा जवजवाणि वा ओकिण्णाणि वा वि-
क्खिण्णाणि वा विकिण्णाणि वा विप्पइण्णाणि वा नो कप्पइ निग्गन्थाण वा निग्गन्थीण वा अहालन्दमवि वत्थए '२०'।१। अह पुण एवं जाणेजा-नो ओकिण्णाणि नो विकिण्णाणं
नो विकिण्णाणि नो विप्पइण्णाणं रासिकडाणि वा भित्तिकडाणि वा पुंजकडाणि वा कुलियकडाणि वा लञ्छियाणि वा मुहियाणि वा पिहियाणि वा कप्पइ निग्गन्थाण वा निग्गन्थीण
वा हेमन्तगिम्हासु वत्थए '१०३'।२। अह पुण एवं जाणेजा-नो रासिकडाणं नो पुंजकडाणं नो भित्तिकडाणं नो कुलियकडाणं कोट्टाउत्ताणि वा पल्लाउत्ताणि वा मञ्जाउत्ताणि वा
मालाउत्ताणि वा ओलित्ताणि वा विलित्ताणि वा लञ्छियाणि वा मुहियाणि वा पिहियाणि वा कप्पइ निग्गन्थाण वा निग्गन्थीण वा वासावासं वत्थए '१८६'।३। उवस्सयस्स अंतो
वगडाए सुरावियडकुम्भे वा सोवीरयवियडकुम्भे वा उवनिक्खित्ते सिया नो कप्पइ निग्गन्थाण वा निग्गन्थीण वा अहालन्दमवि वत्थए, हुरत्था य उवस्सयं पडिलेहमाणे नो लभेजा
एवं से कप्पइ एगरायं वा दुरायं वा वत्थए, नो से कप्पइ एगरायाओ वा दुरायाओ वा परं वत्थए, जे तत्थ एगरायाओ वा दुरायाओ वा परं वसेजा से सन्तरा छेए वा परिहारे वा।४।
उवस्सयस्स अन्तो वगडाए सीओदगवियडकुम्भे वा उसिणोदगवियडकुम्भे वा उवनिक्खित्ते सिया नो कप्पइ निग्गन्थाण वा निग्गन्थीण वा अहालन्दमवि वत्थए, हुरत्था य उवस्सयं
पडिलेहमाणे नो लभेजा एवं से कप्पइ एगरायं वा दुरायं वा वत्थए, नो से कप्पइ एगरायाओ वा दुरायाओ वा परं वत्थए, जे तत्थ एगरायाओ वा दुरायाओ वा परं वसेजा से सन्तरा
छेए वा परिहारे वा '२२१'।५। उवस्सयस्स अन्तो वगडाए सब्बराइए जोई श्रियाएजा नो कप्पइ निग्गन्थाण वा निग्गन्थीण वा अहालन्दमवि वत्थए, हुरत्था य उवस्सयं पडिले-
हमाणे नो लभेजा एवं से कप्पइ एगरायं वा दुरायं वा वत्थए, नो से कप्पइ एगरायाओ वा दुरायाओ वा परं वत्थए, जे तत्थ एगरायाओ वा दुरायाओ वा परं वसेजा से सन्तरा छेए
वा परिहारे वा '२५०'।६। उवस्सयस्स अंतो वगडाए सब्बराइए पईवे दिप्पेजा नो कप्पइ निग्गन्थाण वा निग्गन्थीण वा अहालन्दमवि वत्थए, हुरत्था य उवस्सयं पडिलेहमाणे नो
लभेजा एवं से कप्पइ एगरायं वा दुरायं वा वत्थए, नो से कप्पइ एगरायाओ वा दुरायाओ वा परं वत्थए, जे तत्थ एगरायाओ वा दुरायाओ वा परं वसेजा से सन्तरा छेए वा परिहारे
वा '२६३'।७। उवस्सयस्स अंतो वगडाए पिण्डए वा लोयए वा खीरं वा दहिं वा सप्पिं वा नवणीए वा तेह्णे वा फाणियं वा पूवे वा सक्कुली वा सिहिरिणी वा ओकिण्णाणि वा वि-
किण्णाणि वा विह्गिण्णाणि वा विप्पइण्णाणि वा नो कप्पइ निग्गन्थाण वा निग्गन्थीण वा अहालन्दमवि वत्थए '२६९'।८। अह पुण एवं जाणेजा नो ओकिण्णाणं० रासिकडाणि
वा पुंजकडाणि वा भित्तिकडाणि वा कुलियकडाणि वा लञ्छियाणि वा मुहियाणि वा पिहियाणि वा वा कप्पइ निग्गन्थाण वा निग्गन्थीण वा हेमंतगिम्हासु वत्थए '२७२'।९। अह
पुण एवं जाणेजा-नो रासिकडाणं जाव नो भित्तिकडाणं कोट्टाउत्ताणि वा पल्लाउत्ताणि वा मञ्जाउत्ताणि वा मालाउत्ताणि वा कुम्भउत्ताणि वा करभित्तुत्ताणि वा ओलित्ताणि वा वि-
लित्ताणि वा पिहियाणि वा लञ्छियाणि वा मुहियाणि वा कप्पइ निग्गन्थाण वा निग्गन्थीण वा वासावासं वत्थए '२७४'।१०। नो कप्पइ निग्गन्थीणं अहे आगमणगिहंसि वा
वियडगिहंसि वा वंसीमूलंसि वा रुक्खमूलंसि वा अब्भावगासियंसि वा वत्थए '३००'।११। कप्पइ निग्गन्थाणं अहे आगमणगिहंसि वा वियडगिहंसि वा वंसीमूलंसि वा रुक्खमूलंसि
वा अब्भावगासियंसि वा वत्थए '३०८'।१२। एगे सागारिए पारिहारिए दो तिण्णि चत्तारि पञ्च सागारिया पारिहारिया एगं तत्थ कप्पागं ठवइत्ता अबसेसे निव्विसेजा '३७५'
।१३। नो कप्पइ निग्गन्थाण वा निग्गन्थीण वा सागारियपिण्डं बहिया अनीहडं असंसट्टं संसट्टं वा पडिग्गाहेत्तए '३८६'।१४-१५। नो कप्पइ निग्गन्थाण वा निग्गन्थीण वा सागा-
रियपिण्डं बहिया नीहडं असंसट्टं पडिग्गाहेत्तए।१६। कप्पइ निग्गन्थाण वा निग्गन्थीण वा सागारियपिण्डं बहिया नीहडं संसट्टं पडिग्गाहेत्तए।१७। नो कप्पइ निग्गन्थाण वा
निग्गन्थीण वा सागारियपिण्डं बहिया नीहडं असंसट्टं संसट्टं करेत्तए, जो खलु निग्गन्थो वा निग्गन्थी वा सागारियपिण्डं बहिया नीहडं असंसट्टं संसट्टं करेइ करेन्तं वा साइजइ से
दुहओ वीइकममाणे आवजइ चाउम्मासियं परिहारट्टाणं अणुग्घाइयं '४०१'।१८। सागारियस्स आहडिया सागारिएणं पडिग्गाहिता तम्हा दावए नो से कप्पइ पडिग्गाहेत्तए।१९।
सागारियस्स आहडिया सागारिएणं अपडिग्गाहिता तम्हा दावए एवं से कप्पइ पडिग्गाहेत्तए '४२०'।२०। सागारियस्स नीहडिया परेण अपडिग्गाहिता तम्हा दावए नो से कप्पइ
पडिग्गाहेत्तए।२१। सागारियस्स नीहडिया परेण पडिग्गाहिता तम्हा दावए एवं से कप्पइ पडिग्गाहेत्तए '४२८'।२२। सागारियस्स असियाओ अविभत्ताओ अन्नोच्छिन्नाओ अन्नो-
गडाओ अनिज्जूदाओ तम्हा दावए नो से कप्पइ पडिग्गाहेत्तए।२३। सागारियस्स असियाओ विभत्ताओ वोच्छिन्नाओ वोगडाओ निज्जूदाओ तम्हा दावए एवं से कप्पइ पडिग्गाहे-

९६३ बृहत्कल्पःसूत्रं, उदंश-२

तए '४३८'।२४। सागारियस्स पूयाभत्ते उदेसिए चेइए पाहुडियाए सागारियस्स उवगरणजाए निट्टिए निसट्टे पाडिहारिए तं सागारिओ देइ सागारियस्स परिजणो देइ तम्हा दावए
 नो से कप्पइ पडिग्गाहेत्तए '४४३'।२५। सागारियस्स पूयाभत्ते उदेसिए चेइए जाव पाडिहारिए तं नो सागारिओ देइ नो सागारियस्स परिजणो देइ सागारियस्स पूया देइ तम्हा
 दावए नो से कप्पइ०।२६। सागारियस्स पूयाभत्ते उदेसिए चेइए पाहुडियाए सागारियस्स उवगरणजाए निट्टिए निसट्टे अपडिहारिए तं सागारिओ देइ सागारियस्स परिजणो वा देइ
 तम्हा दावए नो से कप्पइ पडिग्गाहेत्तए।२७। सागारियस्स पूयाभत्ते जाव अपडिहारिए तं नो सागारिओ देइ नो सागारियस्स परिजणो देइ सागारियस्स पूया देइ तम्हा दावए एवं
 से कप्पइ पडिग्गाहेत्तए '४४४'।२८। कप्पइ निग्गन्थाण वा निग्गन्थीण वा इमाइं पञ्च वत्थाइं धारेत्तए वा परिहरित्तए वा, तं०-जङ्गिए भङ्गिए साणए पोत्तए तिरीडपट्टे नामं पञ्चमे
 '४५८'।२९। कप्पइ निग्गन्थाण वा निग्गन्थीण वा इमाइं पञ्च रयहरणाइं धारेत्तए वा परिहरित्तए वा, तंजहा-ओणिए उट्टिए साणए बद्धाचि(विप्पावि)प्पए मुञ्जच्चिप्पिएवि नाम
 पञ्चमेत्तिवेमि '४६४'।३०॥ बिइओ उदेसओ २॥ नो कप्पइ निग्गन्थाणं निग्गन्थीणं उवस्सयंसि आसइत्तए वा चिट्ठित्तए वा निसीइत्तए वा तुयट्टित्तए वा निहाइत्तए वा पयलाइत्तए वा
 असणं वा० आहारं आहारेत्तए उच्चारं वा पासवणं वा खेलं वा सिङ्गाणं वा परिट्टवेत्तए सज्झायं वा करेत्तए झाणं वा झाइत्तए काउस्सग्गं वा करेत्तए ठाणं वा ठाइत्तए '१२३'।१। नो
 कप्पइ निग्गन्थीणं निग्गन्थाणं उवस्सयंसि आसइत्तए जाव ठाणं ठाइत्तए '१२६'।२। नो कप्पइ निग्गन्थीणं सलोमाइं चम्माइं अहिट्टित्तए '१४०'।३। कप्पइ निग्गन्थाणं सलोमाइं
 चम्माइं अहिट्टित्तए, सेवि य परिभूते नो चेव णं अपरिभूते, सेवि य पाडिहारिए नो चेव णं अपडिहारिए, सेवि य एगराइए नो चेव णं अणेगराइए '१६४'।४। नो कप्पइ निग्गन्थाण
 वा निग्गन्थीण वा कसिणाइं चम्माइं धारेत्तए वा परिहरित्तए वा '१९१'।५। कप्पइ निग्गन्थाण वा निग्गन्थीण वा अकसिणाइं चम्माइं धारेत्तए वा परिहरित्तए वा '१९८'।६। नो
 कप्पइ निग्गन्थाण वा निग्गन्थीण वा कसिणाइं वत्थाइं धारेत्तए वा परिहरित्तए वा, कप्पइ निग्गन्थाण वा निग्गन्थीण वा अकसिणाइं वत्थाइं धारेत्तए वा परिहरित्तए वा '२३७'।७।
 नो कप्पइ निग्गन्थाण वा निग्गन्थीण वा अभिन्नाइं वत्थाइं धारेत्तए वा परिहरित्तए वा, कप्पइ निग्गन्थाण वा निग्गन्थीण वा भिन्नाइं वत्थाइं धारेत्तए वा परिहरित्तए वा '४१७'
 ।८। नो कप्पइ निग्गन्थाणं उग्गहणन्तगं वा उग्गहपट्टगं वा धारेत्तए वा परिहरित्तए वा '४२२'।९। कप्पइ निग्गन्थीणं उग्गहणन्तगं वा ओगाहणपट्टगं वा धारेत्तए वा परिहरित्तए
 वा '४६५'।१०। निग्गन्थीए य गाहावइकुलं पिण्डवायपडियाए अणुप्पविट्टाए चेलट्टे समुप्पजेजा नो से कप्पइ अप्पणो निस्साए चेलाइं पडिग्गाहेत्तए, कप्पइ से पवत्तिणीनिस्साए
 चेलाइं पडिग्गाहेत्तए, नो य से तत्थ पवत्तिणी समाणी सिया जे तत्थ समाणे आयरिए वा उवज्झाए वा पवत्ती वा थेरे वा गणी वा गणहरे वा गणावच्छेइए वा जं च णं पुरओ
 कट्टु विहरति कप्पइ से तन्नीसाए चेलाइं पडिग्गाहेत्तए '५०५'।११। निग्गन्थस्स तप्पढमयाए संपव्वयमाणस्स कप्पइ रयहरणगोच्छगपडिग्गहमायाए तिहि य कसिणेहिं वत्थेहिं
 आयाए संपव्वइत्तए, से य पुबोवट्टिए सिया एवं से नो कप्पइ रयहरणपडिग्गहगोच्छगमायाए तिहि य कसिणेहिं वत्थेहिं आयाए संपव्वइत्तए, कप्पइ से अहापरिग्गहियाइं वत्थाइं
 गहाय आयाए संपव्वइत्तए '५५०'।१२। निग्गन्थीए णं तप्पढमयाए संपव्वयमाणीए कप्पइ से रयहरणगोच्छगपडिग्गहमायाए चउहिं कसिणेहिं वत्थेहिं आयाए संपव्वइत्तए, सा
 य पुबोवट्टिया सिया एवं से नो कप्पइ रयहरणगोच्छगपडिग्गहमायाए चउहिं कसिणेहिं वत्थेहिं आयाए संपव्वइत्तए, कप्पइ से अहापरिग्गहियाइं वत्थाइं गहाय आयाए संपव्वइत्तए
 '५५२'।१३। नो कप्पइ निग्गन्थाण वा निग्गन्थीण वा पढमसमोसरणुहेसपत्ताइं चेलाइं पडिग्गाहेत्तए, कप्पइ निग्गन्थाण वा निग्गन्थीण वा दोच्चसमोसरणुहेसपत्ताइं चेलाइं पडि-
 गाहेत्तए '६२४'।१४। कप्पइ निग्गन्थाण वा निग्गन्थीण वा अहाराइणियाए चेलाइ पडिग्गाहेत्तए '६८३'।१५। कप्पइ निग्गन्थाण वा निग्गन्थीण वा अहाराइणियाए सेजासंधारयं
 पडिग्गाहेत्तए '७२९'।१६। कप्पइ निग्गन्थाण वा निग्गन्थीण वा अहाराइणियाए किइकम्मं करेत्तए '८६९'।१७। नो कप्पइ निग्गन्थाण वा निग्गन्थीण वा अंतरगिहंसि चिट्ठित्तए
 वा आसइत्तए वा निसीइत्तए वा तुयट्टित्तए वा निहाइत्तए वा पयलाइत्तए वा असणं वा० आहारमाहारेत्तए उच्चारं वा० परिट्टवेत्तए सज्झायं वा करेत्तए झाणं वा झाइत्तए काउस्सग्गं
 वा करेत्तए ठाणं वा ठाइत्तए, अह पुण एवं जाणेजा जराजुणे वाहिए थेरे तवस्सी दुब्बले किलन्ते जजरिए मुच्छेज्ज वा पवडेज्ज वा एवं से कप्पइ अंतरगिहंसि चिट्ठित्तए वा जाव ठाणं वा
 ठाइत्तए '८८१'।१८। नो कप्पइ निग्गन्थाण वा निग्गन्थीण वा अंतरगिहंसि जाव चउगाहं वा पंचगाहं वा आइक्खित्तए वा विभावित्तए वा किट्टित्तए वा पवेइत्तए वा नन्नत्थ एग-
 नाएण वा एगवागरेण वा एगगाहाए वा एगसिल्लोएण वा, सेवि य ठिच्चा, नो चेव णं अट्टिच्चा '९०५'।१९। नो कप्पइ निग्गन्थाण वा निग्गन्थीण वा अंतरगिहंसि इमाइं पंच मह-
 ब्बयाइं सभावणाइं आइक्खित्तए वा जाव पवेइत्तए वा नन्नत्थ एगनाएण वा जाव एगसिल्लोएण वा, सेवि य ठिच्चा, नो चेव णं अट्टिच्चा '९१३'।२०। नो कप्पइ निग्गन्थाण वा निग्गन्-
 थीण वा पाडिहारियं सेजासंधारयं आयाए अपडिहट्टु संपव्वइत्तए '९२५'।२१। नो कप्पइ निग्गन्थाण वा निग्गन्थीण वा सागारियसंतियं सेजासंधारयं आयाए अहिगरणं (२४१)

९६४ बृहत्कल्पःमूत्रं, उद्देश्य-३

कट्टु संपवइत्तए, कप्पइ निग्गंथाण वा निग्गंथीण वा पाडिहारियं वा सागारियसंतियं वा सेजासंधारयं आयाए विगरणं कट्टु संपवइत्तए '९३०' । २२। इह खलु निग्गंथाण वा निग्गं-
थीण वा पाडिहारिए वा सागारियसंतिए वा सेजासंधारए विप्पणसेजा (परिभट्टे सिया) से य अणुगवेसियव्वे सिया, से य अणुगवेसमाणे लभेजा तस्सेव पडि(अणुप)दायव्वे सिया, से
य अणुगवेसमाणे नो लभेजा एवं से कप्पइ दोच्चंपि उग्गहं अणुणवेत्ता परिहारं परिहरित्तए '९६४' । २३। जद्विसं च णं समणा निग्गंथा सेजासंधारयं विप्पजहति तद्विसं च णं
अवरे समणा निग्गंथा हव्वमागच्छेजा स च्चेव ओग्गहस्स पुद्धानुन्नवणा चिट्ठइ अहालन्दमवि उग्गहं । २४। अत्थि या इत्थ केइ उवस्सयपरियावन्नए अचित्ते परिहरणारिहे स च्चेव
उग्गहस्स पुद्धानुन्नवणा चिट्ठइ अहालन्दमवि उग्गहं '१०७८' । २५। से वत्थूसु अद्वावडेसु अद्वागडेसु अपरपरिग्गहीएसु सच्चेव उग्गहस्स पुद्धानुन्नवणा चिट्ठइ अहालन्दमवि उग्गहं
। २६। से वत्थूसु वावडेसु वोगडेसु परपरिग्गहीएसु भिक्खुभावस्स अद्वाए दोच्चंपि उग्गहे अणुन्नवेयव्वे सिया अहालन्दमवि उग्गहं '११०४' । २७। से अणुकुड्डेसु वा अणुभित्तीसु
वा अणुचरियासु वा अणुफरिहासु वा अणुपंथेसु वा अणुमेरासु वा सच्चेव उग्गहस्स पुद्धानुन्नवणा चिट्ठइ अहालन्दमवि उग्गहं '१११०' । २८। से गामंसि वा जाव रायहाणीए (संनि-
वेसंसि) वा बहिया सेणं संनिविट्ठं पेहाए कप्पइ निग्गंथाण वा निग्गंथीण वा तद्विसं भिक्खायरियाए गंतूणं पडिनियत्तए, नो से कप्पइ तं रयणिं तत्थेव उवाइणावेत्तए, जो खलु
निग्गंथे वा निग्गंथी वा तं रयणिं तत्थेव उवाइणावेइ उवाइणावेतं वा साइजइ से दुहओ वीइक्कममाणे आवज्जइ चाउम्मासियं परिहारट्टाणं अणुग्घाइयं '११५५' । २९। से गामंसि वा
जाव संनिवेसंसि वा कप्पइ निग्गंथाण वा निग्गंथीण वा सव्वओ समंता सक्कोसं जोयणं उग्गहं ओगिण्हित्ताणं चिट्ठित्तएत्तिवेमि '११९२' । ३०॥ तइओ उदेसो ३ ॥ तओ अणुग्घाइया
पन्नत्ता तंजहा-हत्थकम्मं करेमाणे मेहुणं पडिसेवमाणे राइभोयणं भुञ्जमाणे '९२' । १। तओ पारंचिया पन्नत्ता तंजहा-दुट्ठे पारंचिए पमत्ते पारंचिए अन्नमन्नं करेमाणे पारंचिए
'१८१' । २। तओ अणवट्टप्पा पं० तं०-साहम्मियाणं तेन्नं करेमाणे परधम्मियाणं तेन्नं करेमाणे हत्थायालं दलमाणे '२६२' । ३। तओ नो कप्पति पद्वावेत्तए तं०-पण्डए कीवे वाइए
'३१४' । ४। एवं मुण्डावेत्तए सिक्खावेत्तए सेहावित्तए उवट्टावेत्तए संभुञ्जित्तए संवासित्तए '३२१' । ५। तओ नो कप्पन्ति वाएत्तए तं०-अविणीए विगईपडिबद्धे अविओसवियपा-
हुडे, तओ कप्पन्ति वाएत्तए तं०-विणीए नो विगईपडिबद्धे विओसवियपाहुडे '३३५' । ६। तओ दुस्सन्नप्पा पं० तं०-दुट्ठे मूढे वुग्गाहिए '३५८' । ७। तओ सुस्सन्नप्पा पं० तं०-अदुट्ठे
अमूढे अवुग्गाहिए '३६०' । ८। निग्गंथं च णं गिलायमाणं माया वा भगिणी वा धूया वा पलिस्सएजा तं च निग्गन्थे साइजेजा मेहुणपडिसेवणपत्ते आवज्जइ चाउम्मासियं परिहा-
रट्टाणं अणुग्घाइयं । ९। निग्गंथिं च णं गिलायमाणं पिया वा भाया वा पुत्ते वा पलिस्सएजा तं च निग्गन्थी साइजेजा मेहुणपडिसेवणपत्ता आवज्जइ चाउम्मासियं परिहारट्टाणं
अणुग्घाइयं '३८७' । १०। नो कप्पइ निग्गन्थाण वा निग्गन्थीण वा असणं वा० पढमाए पोरिसीए पडिग्गाहेत्ता चउत्थं पच्छिमं पोरिसिं उवाइणावेत्तए, से य आहच्च उवाइणाविए
सिया तं नो अप्पणा भुञ्जेजा नो अच्चेसिं अणुप्पदेजा एगन्तमन्ते बहुफासुए पएसे (थंडिले) पडिलेहिता पमजित्ता परिट्टवेयव्वे सिया, तं अप्पणा भुञ्जमाणे अच्चेसिं वा दल (अणु-
प्पदे)माणे आवज्जइ चाउम्मासियं परिहारट्टाणं उग्घाइयं । ११। नो कप्पइ निग्गन्थाण वा निग्गन्थीण वा असणं वा० परं अद्दजोयणमेराए उवाइणावेत्तए, से य आहच्च उवाइणाविए
सिया तं नो अप्पणा भुञ्जेजा नो अच्चेसिं अणुप्पदेजा एगन्तमन्ते बहुफासुए पएसे पडिलेहिता पमजित्ता परिट्टवेयव्वे सिया, तं अप्पणा भुञ्जमाणे अच्चेसिं वा दलमाणे आवज्जइ
चाउम्मासियं परिहारट्टाणं उग्घाइयं '४३९' । १२। निग्गन्थेण य गाहावइकुलं पिण्डवायपडियाए अणुप्पविट्ठेणं अन्नयरे अचित्ते अणेसणिजे पाणभोयणे पडिग्गहिए सिया अत्थि य
इत्थ केइ सेहतराए अणुवट्टावियए कप्पइ से तस्स दाउं वा अणुप्पदाउं वा, नत्थि य इत्थ केइ सेहतराए अणुवट्टावियए तं नो अप्पणा भुञ्जेजा नो अच्चेसिं दावए (अणुप्पदेजा)
एगन्ते बहुफासुए पएसे पडिलेहिता पमजित्ता परिट्टवेयव्वे सिया '४६३' । १३। जे कडे कप्पट्टियाणं कप्पइ से अकप्पट्टियाणं नो से कप्पइ कप्पट्टियाणं, जे कडे अकप्पट्टियाणं नो
से कप्पइ कप्पट्टियाणं कप्पइ से अकप्पट्टियाणं, कप्पे ठिया कप्पट्टिया अकप्पे ठिया अकप्पट्टिया '४८६' । १४। भिक्खू य गणाओ अवक्कम इच्छेजा अन्नं गणं उवसंपजित्ताणं
विहरित्तए नो से कप्पइ अणापुच्छित्ताणं आयरियं वा उवज्झायं वा पवत्तिं वा थेरं वा गणिं वा गणहरं वा गणावच्छेइयं वा अन्नं गणं उपसंपजित्ताणं विहरित्तए, कप्पइ से आपु-
च्छित्ता आयरियं वा जाव गणावच्छेइयं वा अन्नं गणं उवसंपजित्ताणं विहरित्तए, ते य से वियरेजा एवं से कप्पइ अन्नं गणं उवसंपजित्ताणं विहरित्तए, ते य से नो वियरेजा एवं से
नो कप्पइ अन्नं गणं उवसंपजित्ताणं विहरित्तए '५७४' । १५। गणावच्छेइए य गणाओ अवक्कम इच्छेजा अन्नं गणं उवसंपजित्ताणं विहरित्तए नो कप्पइ गणावच्छेइयस्स गणा-
वच्छेइयत्तं अनिक्खवित्ता अन्नं गणं उवसंपजित्ताणं विहरित्तए, कप्पइ से गणावच्छेइयस्स गणावच्छेइयत्तं निक्खवित्ता अन्नं गणं उवसंपजित्ताणं विहरित्तए, नो से कप्पइ अणापुच्छित्ता

९६५ बृहत्कल्पःसूत्रं, उद्देशी-४

मुनि दीपरत्तसागर

वित्तए, कप्पइ से० निक्खवित्ता० उद्दिसावित्तए, नो से कप्पइ अणापुच्छित्ता आयरियं वा जाव गणावच्छेइयं वा अन्नं आयरियउवज्झायं उद्दिसावेत्तए, कप्पइ से आपुच्छित्ता आयरियं वा जाव गणावच्छेइयं वा अन्नं आयरियउवज्झायं उद्दिसावेत्तए, ते य से वियरंति एवं से कप्पइ अन्नं आयरियउवज्झायं उद्दिसावेत्तए, ते य से नो वियरंति एवं से नो कप्पइ अन्नं आयरियउवज्झायं उद्दिसावेत्तए, नो से कप्पइ तेषिं कारणं अदीवेत्ता अन्नं आयरियउवज्झायं उद्दिसावेत्तए, कप्पइ से तेषिं कारणं दीवेत्ता अन्नं आयरियउवज्झायं उद्दिसावेत्तए '६२१' । २३ । भिक्खू य राओ वा वियाले वा आहच्च वीसुम्भेज्जा, तं च सरीरगं केई वेयावच्चकरा भिक्खू इच्छेज्जा एगंतमते बहुफासुए पएसे परिट्टवेत्तए, अत्थि य इत्थि केइ सागारियसंतिए उवगरणजाए अचित्ते परिहरणारिहे कप्पइ से सागारकडं गहाय तं सरीरगं एगंते बहुफासुए पएसे परिट्टवेत्ता तत्थेव उवनिक्खेवियव्वे सिया '६९०' । २४ । भिक्खू य अहिगरणं कट्टु तं अहिगरणं अविओसवेत्ता नो से कप्पइ गाहावइकुलं भत्ताए वा पाणाए वा निक्खवित्तए वा पविसित्तए वा, भिक्खू० नो से कप्पइ बहिया वियारभूमिं वा वियारभूमिं वा निक्ख० पवि० वा, भिक्खू० गामाणुगामं दुइज्जित्तए, ० गणाओ गणं संकमित्तए, ० वासावासं वा वत्थए, जत्थेव अप्पणो आयरियउवज्झायं पासेज्जा बहुस्सुयं बज्झागामं कप्पइ से तस्सन्तिए आलोएत्तए पडिक्कमित्तए निन्दित्तए गरिहित्तए विउट्टित्तए विसोहित्तए अकरणाए अब्भुट्टित्तए अहारिहं पायच्छित्तं तवोकम्मं पडिवज्जित्तए, से य सुएणं पट्टविए आइयव्वे सिया, से य सुएणं नो पट्टविए नो आइयव्वे सिया, से य सुएणं पट्टविज्जमाणे नो आइयइ निज्जूहियव्वे सिया '७१८' । २५ । परिहारकप्पट्टियस्स णं भिक्खुस्स कप्पइ आयरियउवज्झायाणं तद्विवसं एगगिहंसि पिंडवायं दवावेत्तए, तेण परं नो से कप्पइ असणं वा० दाउं वा अणुप्पदाउं वा, कप्पइ से अन्नयरं वेयावडियं करेत्तए, तं० उट्टावणं वा निसीयावणं वा तुयट्टावणं वा उच्चारंपासवणखेलज्जल्लसिद्धाणाण विगिंचणं वा विसोहणं वा करेत्तए, अह पुण एवं जाणेज्जा छिन्नावाएसु पंथेसु तवस्सी आउरे झिज्झिए पिवा-सिए दुब्बले किलंते मुच्छेज्ज वा पवडेज्ज वा एवं से कप्पइ असणं वा० दाउं वा अणुप्पदाउं वा '७४१' । २६ । नो कप्पइ निग्गंथाण वा निग्गंथीण वा इमाओ पंच महण्णवाओ महान-ईओ उद्दिट्ठाओ गणियाओ वज्झियाओ अंतो मासस्स दुक्खुत्तो वा तिक्खुत्तो वा उत्तरित्तए वा संतरित्तए वा, तं० गंगा जउणा सरयू कोसिया मही । २७ । अह पुण एवं जाणेज्जा-एरावई कुणालाए, जत्थ चक्किया एगं पायं जले किच्चा एगं पायं थले किच्चा एवं णं कप्पइ अंतो मासस्स दुक्खुत्तो वा तिक्खुत्तो वा उत्तरित्तए वा संतरित्तए वा, जत्थ एवं नो चक्किया एवं णं नो कप्पइ अंतो मासस्स दुक्खुत्तो वा तिक्खुत्तो वा उत्तरित्तए वा संतरित्तए वा '७८८' । २८ । से तणेसु वा तणपुञ्जेसु वा पलालेसु वा पलालपुञ्जेसु वा अप्पंडेसु अप्पपाणेसु अप्पबीएसु अप्पहरिएसु अप्पोसेसु अप्पुत्तिङ्गणगदगमट्टियमक्कडसंताणएसु अहेसेवणमायाए नो कप्पइ निग्गन्थाण वा निग्गन्थीण वा तहप्पगारे उवस्सए हेमन्तगिम्हासु वत्थए । २९ । से तणेसु वा जाव संताणएसु वा उप्पिसेवणमायाए कप्पइ निग्गन्थाण वा निग्गन्थीण वा तहप्पगारे उवस्सए हेमन्तगिम्हासु वत्थए । ३० । से तणेसु वा जाव संताणएसु अहेरयणि-मुक्कमउडेसु नो कप्पइ निग्गन्थाण वा निग्गन्थीण वा तहप्पगारे उवस्सए वासावासं वत्थए । ३१ । से तणेसु वा जाव संताणएसु उप्पिरयणिमुक्कमउडेसु कप्पइ निग्गन्थाण वा नि-ग्गन्थीण वा तहप्पगारे उवस्सए वत्थएत्ति बेमि '८०५' । ३२ ॥ चउत्थो उद्देसओ ४ ॥ देवे य इत्थिरूवं विउट्टित्ता निग्गन्थं पडिग्गाहेज्जा तं च निग्गन्थे साइजेज्जा मेहुणपडिसेवणपत्ते आवज्जइ चाउम्मासियं परिहारट्ठाणं अणुग्घाइयं । १ । देवे य पुरिसरूवं विउट्टित्ता निग्गन्थं पडिग्गाहेज्जा तं च निग्गन्थी साइजेज्जा मेहुणपडिसेवणपत्ता आवज्जइ चाउम्मासियं परिहारट्ठाणं अणुग्घाइयं । २ । देवी य इत्थिरूवं विउट्टित्ता निग्गन्थं पडिग्गाहेज्जा तं च निग्गन्थे साइजेज्जा मेहुणपडिसेवणपत्ते आवज्जइ चाउम्मासियं परिहारट्ठाणं अणुग्घाइयं । ३ । देवी य पुरिसरूवं विउट्टित्ता निग्गन्थं पडिग्गाहेज्जा तं च निग्गन्थी साइजेज्जा मेहुणपडिसेवणपत्ता आवज्जइ चाउम्मासियं परिहारट्ठाणं अणुग्घाइयं '४४' । ४ । भिक्खू य अहिगरणं कट्टु तं अहिगरणं अविओसवेत्ता इच्छेज्जा अन्नं गणं उवसंपज्जित्ताणं विहरित्तए, कप्पइ तस्स पञ्च राइंदियाइं छेयं कट्टु परिणिव्विय २ दोच्चंपि तमेव गणं पडिनिज्जाएयव्वे सिया, जहा वा तस्स गणस्स पत्तियं सिया '१००' । ५ । भिक्खू य उग्गयवित्तीए अणत्थमियसंकप्पे संथडिए निव्विइगिच्छासमावण्णेणं अप्पाणेणं असणं वा० पडिग्गाहेत्ता आहारमाहारेमाणे अह पच्छा जाणेज्जा-अणुग्गाए सूरिए अत्थमिए वा से जं च आसयंसि जं च पाणिसि जं च पडिग्गहे तं विगिञ्चमाणे वा विसोहेमाणे वा नो अइक्कमइ, तं अप्पणा भुञ्जेमाणे अब्भेसिं वा दलमाणे राइभोयणपडिसेवणपत्ते आवज्जइ चाउम्मासियं परिहारट्ठाणं अणुग्घाइयं । ६ । भिक्खू य उग्गयवित्तीए अणत्थमियसंकप्पे संथडिए विव्विइगिच्छासमावण्णेणं अप्पाणेणं असणं वा० पडिग्गाहेत्ता आहारमाहारेमाणे अह पच्छा जाणेज्जा-अणुग्गाए सूरिए अत्थमिए वा, से जं च आसयंसि जं च पाणिसि जं च पडिग्गहे तं विगिञ्चमाणे वा विसोहेमाणे वा नो अइक्कमइ, तं अप्पणा भुञ्जमाणे अन्नेसिं वा दलमाणे राइभोयणपडिसेवणपत्ते आवज्जइ चाउम्मासियं परिहारट्ठाणं अणुग्घाइयं । ७ । भिक्खू य उग्गयवित्तीए अणत्थमियसंकप्पे

९६७ बृहत्कल्पः सूत्रं, उद्देश्यौ - ५

मुनि दीपरत्तसागर

असंथडि ए निव्विइगिच्छसमावण्णेणं अप्पाणेणं असणं वा० पडिग्गाहेत्ता आहारमाहारेमाणे अह पच्छा जाणेजा-अणुग्गाए सूरि ए अत्थमि ए वा, से जं च आसयंसि जं च पाणिंसि जं च पडिग्गाहे तं विगिञ्चमाणे वा विसोहेमाणे वा नाइक्कमइ, तं अप्पणा भुञ्जमाणे अन्नेसिं वा दलमाणे राइभो० चाउम्मासियं परिहारट्टाणं अणुग्घाइयं । ८ । भिक्खु य उग्गयवि-त्ती ए अणत्थमियसंकप्पे असंथडि ए विइगिच्छासमावन्नेणं अप्पाणेणं असणं वा० पडिग्गाहेत्ता आहारमाहारेमाणे अह पच्छा जाणेजा-अणुग्गाए सूरि ए अत्थमि ए वा, से जं च मुहे जं च पाणिंसि जं च पडिग्गाहंसि तं विगिञ्चमाणे वा विसोहेमाणे वा न अइक्कमइ, तं अप्पणा भुञ्जमाणे अन्नेसिं वा दलमाणे राइभोयणपडिसेवणपत्ते आवज्जइ चाउम्मा-सियं परिहारट्टाणं अणुग्घाइयं '१४५' । ९ । इह खलु निग्गन्थस्स वा निग्गन्थी ए वा राओ वा वियाले वा सपाणे सभोयणे उग्गाले आगच्छेज्जा तं विगिञ्चमाणे वा विसोहेमाणे वा नो अइक्कमइ, तं उग्गलित्ता पच्चोगिलमाणे राइभोयणपडिसेवणपत्ते आवज्जइ चाउम्मासियं परिहारट्टाणं अणुग्घाइयं '१७७' । १० । निग्गन्थस्स य गाहावइकुलं पिण्डवायपडिया ए अणुप्पविट्टस्स अंतो पडिग्गाहंसि से पाणे वा बी ए वा र ए वा परियावज्जेज्जा तं च संचाएइ-विगिञ्चित्त ए वा विसोहित्त ए वा तओ पुव्वामेव आलोइय २ विसोहिय २ तओ संजयामेव भुञ्जेज्जा वा पिएज्ज वा, तं च नो संचाएइ विगिञ्चित्त ए वा विसोहेत्त ए वा तं नो अप्पणा भुञ्जेज्जा नो अन्नेसिं दाव ए एगन्ते बहुफासु ए पएसे थंडिले पडिलेहिता पमज्जित्ता परिट्टवेयव्वे सिया '२१३' । ११ । निग्गन्थस्स य गाहावइकुलं पिण्डवायपडिया ए अणुप्पविट्टस्स अंतो पडिग्गाहंसि द ए वा दगर ए वा दगफुसि ए वा परियावज्जेज्जा से य उसिणे भोयणजा ए परिभोत्तव्वे सिया, से य नो उसिणे सी ए भोयणजा ए तं नो अप्पणा भुञ्जेज्जा नो अन्नेसिं दाव ए एगन्ते बहुफासु ए पएसे थंडिले पडिलेहिता पमज्जित्ता परिट्टवेयव्वे सिया '२३५' । १२ । निग्गन्थी ए य राओ वा वियाले वा उच्चारं वा पासवणं वा विगिञ्चमाणी ए वा विसोहेमाणी ए वा अन्नयरे पसुजाइ ए वा पक्खिजाइ ए वा अन्नयरं इन्दियजायं परामुसेज्जा तं च निग्गन्थी साइजेज्जा हत्थ-कम्मपडिसेवणपत्ता आवज्जइ चाउम्मासियं परिहारट्टाणं अणुग्घाइयं । १३ । निग्गन्थी ए य राओ वा वियाले वा उच्चारं वा पासवणं वा विगिञ्चमाणी ए वा विसोहेमाणी ए वा अन्नयरे पसुजाइ ए वा पक्खिजाइ ए वा अन्नयरंसि सोयंसि ओगाहेज्जा तं च निग्गन्थी साइजेज्जा मेहुणपडिसेवणपत्ता आवज्जइ चाउम्मासियं परिहारट्टाणं अणुग्घाइयं '२४५' । १४ । नो कप्पइ निग्गन्थी ए एगाणिया ए होत्त ए । १५ । नो कप्पइ निग्गन्थी ए एगाणिया ए गाहावइकुलं भत्ता ए वा पाणा ए वा निक्खमि त्त ए वा पविसित्त ए वा । १६ । नो कप्पइ निग्गन्थी ए एगाणिया ए बहिया वियारभूमिं वा विहारभूमिं वा निक्खमि त्त ए वा पविसित्त ए वा । १७ । नो कप्पइ निग्गन्थी ए एगाणिया ए गामाणुगामं दूइजित्त ए । १८ । नो कप्पइ निग्गन्थी ए एगाणिया ए वासावासं वत्थ ए '२५१' । १९ । नो कप्पइ निग्गन्थी ए अचेलिया ए होत्त ए '२५६' । २० । नो कप्पइ निग्गन्थी ए अपाइया ए होत्त ए '२६०' । २१ । नो कप्पइ निग्गन्थी ए वोसट्टकाइया ए होत्त ए '२६१' । २२ । नो कप्पइ निग्गन्थी ए बहिया गामस्स वा जाव संनिवेसस्स वा उड्ढं बाहाओ पगिज्झिय २ सूरामिमुहा ए एगपाइया ए ठिच्चा आयावणा ए आयावेत्त ए । २३ । कप्पइ से उवस्सयस्स अंतो वगडा ए संघाडिपडिबद्धा ए पलंबियबाहि(हु)या ए समतलपाइया ए ठिच्चा आयावणा ए आयावेत्त ए २६९' । २४ । नो कप्पइ निग्गन्थी ए ठाणाइया ए होत्त ए । २५ । नो कप्पइ निग्गन्थी ए पडिमट्टाइया ए होत्त ए । २६ । नो कप्पइ निग्गन्थी ए उक्कुडियासणिया ए होत्त ए । २७ । नो कप्पइ निग्गन्थी ए नेसिज्जिया ए होत्त ए । २८ । नो कप्पइ निग्गन्थी ए वीरासणिया ए होत्त ए । २९ । नो कप्पइ निग्गन्थी ए दण्डासणिया ए होत्त ए । ३० । नो कप्पइ निग्गन्थी ए लगण्डसाइया ए होत्त ए । ३१ । नो कप्पइ निग्गन्थी ए ओमंथिया ए होत्त ए । ३२ । नो कप्पइ निग्गन्थी ए उत्ताणिया ए होत्त ए । ३३ । नो कप्पइ निग्गन्थी ए अम्बखुजिया ए होत्त ए । ३४ । नो कप्पइ निग्गन्थी ए एगपा-सिया ए होत्त ए '२८१' । ३५ । नो कप्पइ निग्गन्थीणं आउञ्चणपट्टगं धारेत्त ए वा परिहरित्त ए वा । ३६ । कप्पइ निग्गन्थाणं आउञ्चणपट्टगं धारेत्त ए वा परिहरित्त ए वा । ३७ । नो कप्पइ निग्गन्थीणं सावस्सयंसि आसणंसि चिट्ठित्त ए वा निसीइत्त ए वा आसइत्त ए वा तुयट्ठित्त ए वा । ३८ । कप्पइ निग्गन्थाणं सावस्सयंसि आसणंसि चिट्ठित्त ए वा निसीइत्त ए वा आसइत्त ए वा तुयट्ठित्त ए वा । ३९ । नो कप्पइ निग्गन्थीणं सविसाणंसि फलंसि वा पीढंसि वा जाव तुयट्ठित्त ए वा । ४० । कप्पइ निग्गन्थाणं जाव तुयट्ठित्त ए वा '२८९' । ४१ । नो कप्पइ निग्गन्थीणं सवेण्टयं लाउयं धारेत्त ए वा परिहरित्त ए वा । ४२ । कप्पइ निग्गन्थाणं सवेण्टयं लाउयं धारेत्त ए वा परिहरित्त ए वा '२९०' । ४३ । नो कप्पइ निग्गन्थीणं सवेण्टया पायकेसरिया धारेत्त ए वा परिहरित्त ए वा । ४४ । कप्पइ निग्गन्थाणं सवेण्टया पायकेसरिया धारेत्त ए वा परिहरित्त ए वा '२९१' । ४५ । नो कप्पइ निग्गन्थीणं दारुदण्डयं पायपुञ्छणं धारेत्त ए वा परिहरित्त ए वा । ४६ । कप्पइ निग्गन्थाणं दारुदण्डयं पायपुञ्छणं धारेत्त ए वा परिहरित्त ए वा '२९२' । ४७ । नो कप्पइ निग्गन्थाणं वा निग्गन्थीणं वा अन्नमन्नस्स मोयं आइत्त ए वा आयमि-त्त ए वा नन्नत्थ आगाढानागाढेसु रोगायङ्केसु '३१२' । ४८ । नो कप्पइ निग्गन्थाणं वा निग्गन्थीणं वा पारियासियस्स आहारस्स जाव तयप्पमाणमेत्तमवि भूइप्पमाणमेत्तमवि बिंदु-प्पमाणमेत्तमवि आहारमाहारेत्त ए, नन्नत्थ आगाढानागाढेसु रोगायङ्केसु '३२८' । ४९ । नो कप्पइ निग्गन्थाणं वा निग्गन्थीणं वा पारियासिएणं आलेवणजाएणं गायाइं (२४२)

आलिम्पित्तए वा विलिंपित्तए वा, नन्नत्थ आगाढानागाढेहिं रोगायङ्केहिं '३४०' । ५० । नो कप्पइ निग्गन्थाण वा निग्गन्धीण वा पारियासिएणं तेह्णेण वा घएण वा नवणीएण वा
 वसाए वा गायाइं अब्भङ्गित्तए वा मक्खेत्तए वा, नन्नत्थ आगाढानागाढेहिं रोगायङ्केहिं (नो कप्पइ निग्गन्थाण वा निग्गन्धीण वा कक्केण वा लोद्धेण वा पधूवणेण वा अन्नयरेण
 वा आलेवणजाएणं गायाइं उव्वलेत्तए वा उव्वट्टेत्तए वा, नन्नत्थ आगाढानागाढेहिं रोगायङ्केहिं) '३४८' । ५१ । परिहारकप्पट्टिए णं भिक्खू बहिया थेरणं वेयावडियाए गच्छेज्जा, से य
 आहच्च अइक्कमेज्जा, तं च थेरा जाणेज्जा, अप्पणो आगमेणं अच्चेसिं वा अंतिए सोच्चा, तओ पच्छा तस्स अहालहुसए नाम ववहारे पट्टवियव्वे सिया '३६२' । ५२ । निग्गन्धीए य गाहा-
 वइकुलं पिण्डवायपडियाए अणुप्पविट्टाए अन्नयरे पुलागभत्ते पडिग्गाहिए सिया, सा य संथरेज्जा कप्पइ से तद्विवसं तेणेव भत्तट्टेणं पज्जोसवेत्तए, नो से कप्पइ दोच्चंपि गाहावइकुलं
 पिण्डवायपडियाए० पविसित्तए, सा य नो संथरेज्जा एवं से कप्पइ दोच्चंपि गाहावइकुलं पिण्डवायपडियाए भत्ताए वा पाणाए वा निक्खमिन्तए वा पविसित्तए वत्ति बेमि '३७५'
 । ५३ । पञ्चमो उद्देसओ ५ ॥ नो कप्पइ निग्गन्थाण वा निग्गन्धीण वा इमाइं छ अवयणाइं वडत्तए, तं०-अलियवयणे हीलियवयणे खिसियवयणे फरुसवयणे गारत्थियवयणे विओ-
 सवियं वा पुणो उदीरेत्तए '६९' । १ । छ कप्पस्स पत्थारा पं० तं०-पाणाइवायस्स वायं वयमाणे मुसावायस्स वायं वयमाणे अदिन्नादाणस्स वायं वयमाणे अविरेडयवायं वयमाणे
 अपुरिसवायं वयमाणे दासवायं वयमाणे, इच्चेए कप्पस्स छप्पत्थारे पत्थरेत्ता सम्मं अप्पडिपूरेमाणे तट्टाणपत्ते सिया '९९' । २ । निग्गंथस्स य अहे पायंसि खाणूए वा कंटए वा हीरे वा
 सक्करे वा परियावजेज्जा तं च निग्गंथे नो संचाएज्जा नीहरित्तए वा विसोहेत्तए वा, तं निग्गंथी नीहरमाणी वा विसोहेमाणी वा नाइक्कमइ । ३ । निग्गंथस्स य अच्चिंसि पाणे वा बीए
 वा रए वा परियावजेज्जा, तं च निग्गंथे नो संचाएज्जा नीहरित्तए वा विसोहेत्तए वा, तं निग्गंथी नीहरमाणी वा विसोहेमाणी वा नाइक्कमइ । ४ । निग्गंथीए य अहे पायंसि खाणूए वा
 कंटए वा हीरे वा सक्करे वा परियावजेज्जा तं च निग्गंथी नो संचाएज्जा नीहरित्तए वा विसोहेत्तए वा, तं च निग्गंथे नीहरमाणे वा विसोहेमाणे वा नाइक्कमइ । ५ । निग्गंथीए य अच्चिंसि
 पाणे वा बीए वा रए वा परियावजेज्जा, तं च निग्गंथी नो संचाएइ नीहरित्तए वा विसोहेत्तए वा, तं च निग्गंथे नीहरमाणे वा विसोहेमाणे वा नाइक्कमइ '११८' । ६ । निग्गंथे निग्गंथिं
 दुग्गंसि वा विसमंसि वा पव्वयंसि वा पक्खलमाणिं वा पवडमाणिं वा गेण्हमाणे वा अवलम्बमाणे वा नाइक्कमइ । ७ । निग्गंथे निग्गंथिं सेयंसि वा पंकंसि वा पणगंसि वा उदयंसि वा
 ओकसमाणिं वा ओवुज्झमाणिं वा गेण्हमाणे वा अवलम्बमाणे वा नाइक्कमइ । ८ । निग्गंथे निग्गंथिं नावं आरुभमाणिं वा ओरुभमाणिं वा गेण्हमाणे वा अवलम्बमाणे वा नाइक्कमइ
 '१३१' । ९ । खित्तचित्तं निग्गंथिं निग्गंथे गिण्हमाणे वा अवलंबमाणे वा नातिकमति '१७८' । १० । दित्तचित्तं निग्गंथिं निग्गंथे गेण्हमाणे वा अवलम्बमाणे वा नाइक्कमइ '१९३'
 । ११ । जक्खाइट्टं० । १२ । उम्मायपत्तं० । १३ । उवसग्गपत्तं० । १४ । साहिगरणं० । १५ । सपायच्छित्तं० । १६ । भत्तपाणपडियाइक्खियं० । १७ । अट्टजायं निग्गंथिं निग्गंथे
 गेण्हमाणे वा अवलम्बमाणे वा नाइक्कमइ '२४८' । १८ । छ कप्पस्स पलिमंथू पं० तं० कोक्कुइए संजमस्स पलिमंथू मोहरिए सच्चवयणस्स पलिमंथू तिन्तिणिए एसणागोयरस्स पलि-
 मंथू चक्खुलोलुए ईरियावहियाए पलिमंथू इच्छालोभे मुत्तिमग्गस्स पलिमंथू भिज्जानियाणकरणे मोक्खमग्गस्स पलिमंथू, सब्बत्थ भगवया अनियाणया पसत्था '२८६' । १९ ।
 छविहा कप्पट्टिई पं० तं०-सामाइयसंजयकप्पट्टिई छेओवट्टावणियसंजयकप्पट्टिई निव्विसमाणकप्पट्टिई निव्विट्टकाइयकप्पट्टिई जिणकप्पट्टिई थेरकप्पट्टिइत्तिबेमि '४२८' । २० ।
 छट्टो उद्देसओ ६ ॥ इति श्रीबृहत्कल्पच्छेदसूत्रं २ सौराष्ट्रमंडले पादलिप्तपुरे श्रीसिद्धाद्रितलहट्टिकागतशिलोत्कीर्णसकलागमोपेतश्रीवर्धमानजैनागममंदिरे शिलायामुत्कीर्णं श्रीवीरस्य २४६८